

verba de supradicto Hypomnesticon libro ex responsione ter-  
 tiæ quæstionis ad revincendos ponunt hæreticos. II. Quod  
 ipse B. Augustinus in libro ad Dulcitium de octo quæstioni-  
 bus, commemorans libros suos, in quibus de iisdem quæstio-  
 nibus scripserat, ita ad finem ipsius operis de eodem Hy-  
 pomnesticon libro commemorat dicens: *Addere etiam hoc*  
*quam maxime huic operi oportet, ut vestra calumnia, quam*  
*nobis objicere soletis, per inluminacionem gratiæ Salvatoris*  
*revincatur, imo confutetur, & nostræ fidei integritas compro-*  
*betur. Credere nos quippe vel predicare sugillatis, quia cum*  
*lege Dei & Prophetis, cum Evangelio Christi ejusque Aposto-*  
*lis predestinationem dicimus, & reliqua quæ ibi lector ex in-*  
 tegro cum sextæ quæstionis solutione de Hypomnesticon libro  
 inveniet. III. Argumentum Hincmari in S. REMIGII & Ec-  
 clesiæ Lugdunensis lib. de tribus Epistolis pag. 123. edit. Maugvin.  
 asservatum est, quo perhibet, ipsum Augustinum mentionem  
 facere in libro contra Manichæos ex Genesi quæstionum & ab-  
 solutionum illarum, quæ in libris Hypomnesticon legantur.  
 PARDVLVS in eodem S. Remigii lib. p. 133. ita idem argumen-  
 tum proponit: "Quidam nostrorum dicunt, non a præfato  
 viro (Augustino) eundem libellum (Hypognosticon) esse edi-  
 tum; quod mendacium esse cito probare poterit, qui secun-  
 dum libellum Augustini, quem in Genesim contra Manichæos  
 edidit, ad finem usque perlegerit, ubi demonstrat se ipsam  
 quæstionem cum aliis quinque contra rabiem Manichæorum  
 edidisse."

§. IV.

Non leve his argumentis videtur inesse pondus, siquidem  
 videntur inniti testimoniis non tantum Africanorum Episcopo-  
 rum & in his Fulgentii, qui uno, eoque non integro Sæculo  
 post Augustinum vixerunt, sed ipsius etiam Augustini autori-  
 tati,